

Ro Ta Paulus Ibeede Pa Pilemon

¹ Nio Paulus. Nio anbesmbeeze pa Yesu Krisi, tanata tiur yo ma ingi anbotmbot lela ruumu sanaana. Nio niamru tonmatizij kiti Timoti, ta ambeede ro tingi ima pu Pilemon. Paso, nu gabgaaba yam pa uraata ki Krisi, mi leleyam pu ilip.

² Mi moori kiti ta Apia na, aigule tiam ila kini. Mi Arkipus ta niamnan ampourou pa sua ki Merere, mi wal ki Krisi tau niomnan kuluplup yom pa sunjana lela ruumu ku na, aigule tiam ila kizin tomini.

³ Tamanda Anutu mi Merere kiti Yesu Krisi ko tikampe yom, mi timboro yom ma kombot ambai. Nonoono.

Sunjana ta Paulus ikamam pa Pilemon

⁴ O Pilemon, gorgori ta anzunzun na, moton ingalngalu, mi anpakurkur Anutu tio pu. ⁵ Paso anlenlen urum kembei nu urla kat ki Merere kiti Yesu, mi urur lelem pa Anutu wal kini potomnan ta boozomen. ⁶ Urlanana kiti ta ilup ti ma tewe tamen kek. Mi nio anzunzun Anutu be lupunu kiti iwe zaala pu ma ute kat kampana ambaimbanan boozomen ta imarmar piti tomtom ta tesekap la ki Krisi i. ⁷ O tizij, mbulu ku ta urur lelem pizin tomtom, ta ikam yo ma lelen ambai kat, mi ipombol yo tomini. Pa nu pombolmbol Anutu wal kini potomnan, mi kamam zin ma lelen ambai.

*Paulus iurpe Pilemon leleene pa mbesooŋo kini
Onesimus ta iko pini na*

⁸ O Pilemon, nio leŋ sua ri pu pa uraata ta, ta nio leleŋ be kam. Uraata ti, nu so kam, to indeeŋe. Re. Nu ituru tewe Kriŋi lene kek. Tana nio aŋrao aŋso kat sua pu, mi aŋur sua pu be kam. Tamen leleŋ be aŋkam ta kembei som. ⁹ Leleŋ be nu kam uraata ti paso, nu lelem pio. Tana nio Paulus ta aŋwe kolman kek mi iŋgi aŋbotmbot lela ruumu sanaana pa Yesu Kriŋi zaana na, ¹⁰ aŋso aŋwi u pa lutuŋ Onesimus. Pa nio aŋbotmbot ruumu sanaana tiŋgi, mi urlaŋana ta ilup yam ma ni iwe kembei lutuŋ. ☆
¹¹ Nonoono, muŋgu ni mbesooŋo ku. Tamen iuluulu u pe som. Mi buri na, ni irao be iuluulu ituru.

¹²⁻¹³ Tomtom tiŋgi, nio leleŋ pini ilip kat. Tana aŋso aŋruuti ma imbot be ikam murim mi iuluulu yo. Pa iŋgi aŋbotmbot lela ruumu sanaana paso, aŋzzoyaryaara uruunu ambaiŋana. Mi som. Iŋgi aŋpimiili i ma ima ku mini. ¹⁴ Kokena aŋkam sorok mbulu sa, mi nu yok som, to aŋpasaana lelem. Uraata ambaiŋana ta aŋzzo pa i, na aŋsombe nu itum kam raama lelem, to ambai. Tana leleŋ be aŋmaŋmaŋu pa som. ☆

¹⁵ Mi takankaana pa. Mbulu ta Onesimus izemu pa mazwaana ri tiŋgi, inako Anutu zaala kini be itoori ma iwe Kriŋi lene. Naso imiili ma ima ku mini be niomru kombotmbot ma alok. ¹⁶ Mi ni isombe ima, nako re i kembei muŋgu som. Ko ipa ndel ri. Pa muŋgu, ni mbesooŋo ku men. Mi iŋgi ko re i kembei toŋmatiziŋ ki Kriŋi ta nu lelem pini ilip. Nio ti leleŋ pini tomini. Mi nu ko lelem pini

☆ **1:10:** 1Kor 4:15; Kol 4:9 ☆ **1:14:** 2Kor 9:7

ilip kat. Paso, ni ko iwe mbesoonjo ambaijana kat pu, mi ni tonmatizij ku ta ki Merere i tomini.✧

¹⁷ Tana nu sombe re yo kembei nu gaabanjom, nako lelem ambai pini mi kami kembei ta nu kam yo. ¹⁸ Mi sombe ikam njoobo mbulu sa pu, som ikam koron ku sa ma iwe mbun pini, na ur nio zon pa be anma to ankot. ¹⁹ Re su pa bude suruunu ti. Ingi nio itun anbeede. Tana kam ngar pa mbun kini pepe. Nio ko ankot. Mi tamen itum ko motom ingalngal mbun biibi ta imbotmbot ku i. Pa nio ta anwe zaala pu ma kam mbotjana ta ki Anutu i. ²⁰ Tizij, nio lelen be nu uulu yo ma kam uraata ti pa Merere zaana. Naso swe mbulu ki Krisi, mi kam ma lelen ambai. ²¹ Mi nio anbeede ro tingi na, lelen iwe ru pu som. Nio anute: Nu ko to kaljon. Mi ko kam ma ilip ma ingi.

²² Anso anwi u pa koron toro tomini. Parei, ko irao re lenj murij sa ma imbotmbot? Pa ingi anre kembei molo som, to sunjana tiom iur nonoono, mi anyooto ma anma lenj.

Sua pemetjana

²³ Torondo Epararas, ta ra niamru ambotmbot lela ruumu sanaana tingi pa Yesu Krisi zaana na, ni tomini ikam aigule kini pu.✧ ²⁴ Mi ni itutamen som. Zin tau tigabgaaba yo pa uraata i, zin tomini tikam aigule kizin pu. Markus ma Aristakus, Demas, mi Lukas.✧

²⁵ Kampana ki Merere kiti Yesu Krisi ko ise tiom. Nonoono.

✧ **1:16:** Ep 6:9; 1Tim 6:2 ✧ **1:23:** Kol 1:7, 4:12 ✧ **1:24:** Ngo 12:12, 19:29, 27:2; Kol 4:14; 2Tim 4:10+

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 11 Nov 2022 from source files dated 9 Oct 2020

a815c47a-4c36-5240-a396-70cbd5e9b593